

مفاتيح الرزق " 30 " | اسم الله الفتحاح | الحلقة (70) |

#إننا_فتحنا_لك | د. حازم شومان

حازم شومان

تهتف بها واجعل لقلبك من ضرر انا فتحنا والفتوح ميسرة. ميسرة فتحا مبينا ليس فيه تعسرا اسماؤه الحسنى تجلد في الورا. سلام

عليكم ورحمة الله وبركاته. اخواني واخواتي في الله الحمد لله وكفى - [00:00:00](#)

وصلاة وسلاما على عباده الذين اصطفى. اللهم لك الحمد كله ولك الملك كله. وببيدك الخير كله واليك يرجع الامر كله اللهم صلي على

عبدك ونبيك محمد صلى الله عليه وسلم. في الاولين والآخرين وفي كل وقت وحين. اما بعد الرزق واحنا بنتكلم عن مفاتيح الرزق

واحنا - [00:00:40](#)

بنتكلم عن اخطر سلسلة مفاتيح. فيه ناس لان ما كانش معها سلسلة المفاتيح دي مفاتيح ابواب الرزق. اللي انتحر واللي جا له اكتئاب

واللي جا له توتر واللي جا له نوبات - [00:01:00](#)

طلع وفزع واللي عاش حياته كلها مقفول وحاسس ان هو ضايع واللي والبيوت اللي اتهدت بسبب الفقر والمشاكل المادية والبيوت

اللي حصل فيها شروخ خطيرة وتصدعات خطيرة بسبب المشاكل المادية ربنا بيديك المفاتيح في ايديك. ربنا اداك مفاتيح الرزق

هنتكلم النهاردة - [00:01:10](#)

عن مجموعة من مفاتيح الرزق ولكن هنتكلم الاول عن قانون من قوانين الرزق يا جماعة. الرزق من ضمن قوانينه ان الرزق مش

فلوس بس مش مجرد فلوس يا شباب الرزق مش فلوس الرزق مش حاجات مادية بس والا سمعتم قبل كده عن روتشيلد روتشيلد

عائلة روتشيلد اللي كانت في ورا الحرب العالمية الاولى - [00:01:30](#)

والحرب العالمية الثانية واللي بتسند اقتصاد دول واللي بتعمل حروب عالمية واسرة روتشيلد روتشيلد كان شاب يهودي اللي هو

اسسها اصلا شاب ربنا فتح عليه في الرزق فتح مبين فتح رهيب. وكان عبقرى في التجارة وكان عنده الخزن الخزنة يعني ممكن يوم

كان يقعد بالاسبوع في الخزنة الواحدة - [00:01:50](#)

خزنة فيها اسار من اسار قداماء المصريين مش موجود زيتها في العالم. خزنة تانية مجوهرات ولقالق ودهب وتحف. خزنة تالثة سندات

ملكية وخزنا رابعة عملة يعني كان عنده خزن وكان روتشيلد معروف انه ممكن يقعد بالاسبوع والاسبوعين يرتب في الخزن بتاعته

ويتابع الاموال بتاعته من كتر الاموال - [00:02:10](#)

وهيبة لدرجة ان دي كانت بقت الهواية بتاعته. روتشيلد مرة اللي هو اسس الاسرة بقى واللواء ولاده بقوا قال روتشيلد بعد كده.

روتشيلد مرة دخل الخزنة من الخزن وقعد بقى يعد ويرتب وينزم السروات بتاعته باب الخزنة اتقفل عليه وكان يعني في في البيت

بتاعه في القصر بتاع - [00:02:30](#)

متعودين ان هو ممكن يقعد بالاسبوع والاسبوعين مشغول بفلوسه. فما حدش سأل عنه. اتقفل عليه باب الخزنة وكان لوحده. حاول

انه يخبط يكسر يعمل ما فيش فائدة قعد يوم اتنين تلاثة هيموت من الجوع هيموت من الضغط النفسى اللي هو فيه. ما هوش عارف

يعمل حاجة في الاخر بعد فترة طويلة طويلة - [00:02:50](#)

لقوه في خزنة من الخزن طبعا كان مات خلاص بقى وعدت ايام وفقد وهم مش عارفين هو فين اصلا! ده وبعد بقى في الورس ولما

وزعوا الورس على ولاده واللي - [00:03:10](#)

نصيب الخزنة دي بيفتح الخزنة لقي ابوه ميت فيها وقاطع يعني وريد من اوردته وكاتب بدمه اخر كلمة كتبها قبل ما يموت اغنى

رجل في العالم يموت جائعا. اغنى رجل ادي واحد خد رزق الفلوس. ولكن فين رزق - [00:03:20](#)

ممکن رزق الاسباب غير رزق النتائج ممکن ربنا يدي اسباب ولكن ما يديش نتايج. ممکن واحد عنده فلوس وما عندوش سعادة. طب ايه قيمتها؟ معزم الناس في الدنيا حتى اقرؤا في الكتب العالمية في الادارة. معزم الناس الناجحة في الدنيا مشكلتها ايه؟ انا نجحت

اوي بس مش سعيد. انا دوست على سعادتني عشان - [00:03:40](#)

انا ابقي ناجح مين اللي عنده اللاتين مع بعض ربنا؟ سبحانه وتعالى تسمعه عن بيتر لورا سيسمدلي اسمد لي ده صاحب اشهر فنادق في بريطانيا وعنده فنادق في اوروبا. راجل مالتى مليونير. اسمدلي انا اتفرجت له على فيلم بنفسى وهو بينتحر. بس انتحر ازاي؟

من الاكتئاب اللي عنده راح لبيت - [00:04:00](#)

من بيوت القتل الرحيم بيسموها كده في سويسرا وانجلترا. راح لبيت من بيوت القتل الرحيم وقدام الشاشة. وشرب انا يا جماعة انا مش اللي اقطع قلبي منزله بيتا لورانس سميدلي وهو بينتحر. انا اللي اقطع قلبي منزعين مراته. لا انسى الى هزه للحنة

منز عينين مراته وهي قاعدة جنبه حاسس - [00:04:18](#)

ان واحدة بتتفرم من جوة ولكن خلاص هي شايفة ان رحمة جوزها ان هو ينتحر خلاص من الاكتئاب اللي عنده. نسال الله العافية.

الناس يا جماعة من البعد عن ربنا - [00:04:38](#)

الناس من الخواق الروحي قلبها بيتفرم من الاكتئاب. والعياذ بالله ما فيش ملجأ ولا منجى من الامراض النفسية في هذا العصر. غير قوة معرفة الله سبحانه وتعالى الفتح الرزاق سبحانه وتعالى بيتر لورانس يسمن لي شرب حاجة كده المهم خلاص يعني ايه بيروح

في غيبوبة كده ويموت وهو في هزه الغيبوبة - [00:04:49](#)

متصور وموجود على النت وسهل جدا ان اى حد يجيبها. يعني فسبحان الله! ادي واحد خد رزق الاسباب. ولكن ما خدش رزق النتائج. واحد خد رزق النجاح ولكن ما خدش رزق السعادة. واحد خد الرزق المادي ولكن ما خدش الرزق المعنوي. والرزق الروحي كتير ده ليه

ده اسطورة الغناء اللي غنت بخمس لغات - [00:05:09](#)

اللي شارل ديجول كرمها داليدا داليدا انتحرت في الاخر اصلها مصري انتحرت في الاخر وكتبت رسالة سامحوني لا استطيع التحدث والخلاص من الالم النفسى اللي هي فيه. والعزاب اللي هي نفسى لي فيه. لا تستطيع التحمل. اهي دي واحدة ورزقت. رزق الجمال

ورزق الصوت ورزق الشهرة ورزق كل واحد - [00:05:29](#)

لو كل بنت تتمناها في الدنيا ولكن ما خدتش رزق الروح. ما خدتش الرزق المعنوي. يا شباب الرزق مش فلوس بس الرزق انت ممكن يكون ربنا موسع عليك في حاجات اسرى الاسراء يتمنوا عشرها. ولكن مش عارفين ينالوها عايزين نفهم. عايزين نرضى عايزين نفهم

يعني ايه رزق - [00:05:49](#)

نمازج كتير جدا اكبر مستورد عربيات في مصر كلها. عارفين مات ازاي يا شباب؟ كان راكب افخم عربية في العالم واجدد عربية في العالم وكان راكبها هو ومراته في شارع من الشوارع عادية وما عملش حادثة عربية ولا حاجة. خبط في الرصيف العربية ولعت -

[00:06:06](#)

مات جوة افخم عربية في العالم وهو اكبر مستورد. سيارات في مصر مش الرزق مش قصة فلوس. ده الممكن الفلوس تبقى وبال على الانسان ممكن الفلوس بل يريد الله ليعذبهم بها. في الحياة الدنيا. ممكن الفلوس اصلا ربنا بيديها للناس. زهرة الحياة الدنيا

لنفتنهم في اى لنعذبهم بها - [00:06:22](#)

ممکن ربنا يدي الفلوس عشان يعزب الانسان بها في الدنيا وهي مش رزق حقيقي. فممکن يبجي الرزق المادي ولكن ما يجيش الرزق المعنوي. سمعتم عن ارسطو ارسطو اونسيس اونسيس اغنى ملياردير في العالم ده كان اسمه ارسو اريسو وناسيس. اونسيس ده يا

جماعة كان اسطورة في السراء. اونسيس ده كان عنده سبعين سفينة - [00:06:42](#)

اسطول كانوا بيمشوا مع بعض يمونوا بترول من السعودية وينقل النفط وكان رهيب كان عنده سفن حماماتها ذهب الحكومة

الايطالية بيموتوا ما كنش معه ميزانية تصين الحمامات الذهب بتاعة الاساطير بتاعته. كان عنده جزر لما اتجوز جاكليين هنيدي كانوا قاعدين مع بعض في جزيرة من الجزر اللي هو - [00:07:02](#)

هو يوناني الاصل ملياردير اوناسيس كان قصير وكان عنده عقدة نفسه ان هو يتجوز واحدة طويلة. فاتجوز ارملة جون كينيدي اللي هي شكليين كينيدي من ضمن ثلاثة اتجوزوا عشان آآ كانت طويلة وكان نفسه ان هو يخلف. كل ما كان يتخلف له عيل كان يموت. لحد ما ابنه الوحيد ابنه الوحيد كان جايب له طيارة - [00:07:22](#)

خاصة وكبر وبقي شاب وهو في الطيارة بتاعته الطيارة خبطت واطحقت ومات ابنه. قبل ما يموت ارسطو اوناسيس بسنتين ويكتب عن اناسيس ان الموضوع ده شرخ قلبه وكان من اسباب الهم الرهيب اللي لاحقه في اخر سنتين في حياته مات بعد موت ابنه بسنتين. فضل بنته بس كريستين - [00:07:44](#)

كريستينا وناسيس اللي ورست فلوسه كلها. طبعا جاكليين كينيدي خانت شوية والحكومة الايطالية خدت حوالي خمسة وخمسين في المية. وكريستينا دي بقى اللي بقت اغنى مليارديرة في العالم لما خدت بقى يعني جزء كبير من سروة ابوها انتحرت وهي عندها سبعة وتلاتين سنة في شاليه في الارجننتين - [00:08:04](#)

ويقال انها خدت يعني جرعة زائدة من الحبوب المخدرة. مأساة يا جماعة. يا اخوانا القصة مش آآ يعني كان عنده مرض في آآ يعني في اخر حياته ان جفونه تسقط - [00:08:24](#)

فكان مش فكانوا بيفتحوا له عينه بلاستر كده يلزقوه. وطلب من شركة ريبان ان هي تعمل له حاجة نضارة كده زي بتاعة الغواصين عشان تحمي عينه من الهوا ومن التراب. القصة - [00:08:35](#)

الرزق مش فلوس يا شباب. الرزق مش فلوس بس. ممكن واحد خد الفلوس وما خدش السعادة. ما خدش ما خدش البهجة. ما خدش الفرحة. مش عارف يضحك من قلبه ما خدش الايمان بالله. ما خدش معرفة الله. ما خدش لا اله الا الله. ما حبش رسول الله. ما قرأش في القرآن. ايه قيمة هذا الرزق - [00:08:45](#)

بقى ابن تيمية رحمه الله اللي ربنا فتح على قلبه بس في سورة الفاتحة كان يوميا يقعد من بعد الفجر للساعة عشرة الصبح يقعد يقرا في سورة الفاتحة الشافية الكافية الفاتحة دي من اعزم اسباب فتح الله على العبد. من اعظم اسباب فتح الله على العبد في الرزق وفي كل حاجة. كان يقعد - [00:09:05](#)

فربنا فتح على قلبه في سورة واحدة زي الفضيل ابن عياض كان سارق وربنا فتح على قلبه في قول الله الم يأن للذين امنوا ان تخشع قلوبهم لذكر الله اتحول الامام من ائمة المسلمين. السيدة مريم الله فتح على قلبها في العبادة. انتبزت من اهلها سابت اهلها مكانا شرقيا. ربنا فتح لها في التدبر - [00:09:25](#)

مشاهد الشروق والشمس والسما والسحاب كانت متفرغة للعبادة والصيام ليل نهار ولذكر الله سبحانه وتعالى الى ان اصطفاها الله سبحانه وتعالى فزادت في العبادة وزادت في الدعوة الى الله. عشان كده نفهم يعني ايه فاسعوا الى ذكر الله. يا ابني ايه الزكر هو اعزم رزق. اعزم - [00:09:45](#)

الرزق ان ربنا يديك جلسة ضحى اعزم رزق ان ربنا يديك ركعتين. اعظم رزق ان ربنا يديك فتحة مصحف. تقعد تقرا وقلبك يعيش مع الايات لانه ده سبب السعادة اللي خدوا المليارات عملوا بها ايه؟ مارلين مونرو عملت ايه بالفلوس بتاعتها وبالجمال وبالشهرة بتاعتها؟ الف اس بريسلي. كل دول انتحروا في الاخر. عمل ايه بالشهرة - [00:10:05](#)

تاريخية والمجد التاريخي بمفاهيم الدنيا اللي هو وصل له. يبقى الرزق مش مادي بس. فيه رزق مادي وفيه رزق معنوي. بالهزلنا نتكلم عن مفاتيح الرزق وهنتكلم عن مفتاح خطير قوي يا جماعة اوي اوي اوي. دا اعزم مفتاح بيضيع هم الدنيا وعلاج اكتئاب وعلاج توتر. عارفين - [00:10:25](#)

وايه الدعوة الى الله؟ دعوة الى الله؟ اي والله اعزم علاج لهموم الدنيا ان تحمل هم الدين فمن جعل والله يا شباب انا الجملة دي كنت باكتبها وانزل بها وانا رايع ميكروباص بقى وانا طالب في كلية طب وانا رايع الكلية كنت اقعد اتدبر فيها وانا راكب الميكروباص لحد

الكلية. من جعل همه هو الله كفاه الله هم كل شيء. كل يوم بيتأكد للواحد ان اعظم حاجة ربنا يشيل عنك هموم الدنيا بسببها هي انك تشيل هم الدين. الدعوة الى الله. الدعاء ربنا عمل لهم ايه؟ لما ربنا فتح خزائنه الاعظم دعاء تاريخ البشرية. لما ربنا فتح - 00:11:04
تزين سيدنا محمد كانت زكاة البحرين بس تيجي له تلال ذهب في المسجد. كان الصحابة بيكبشوا بها. بيثيلوا كده في حجرهم بها. مش بيتعدلهم عد اما الملك لما الرزاق لما الفتح فتح خزائنه لسيدنا ابراهيم عليه الصلاة والسلام. وهو مشغول بالدعوة الى الله. لما جا له الوفد الملائكي - 00:11:24

ما يعرفش ان هم ملايكة دبح لهم عجل حديز. ليه انت عندك ايه يعني؟ وانت تملك ايه لما ضيوف غرباء بتدبح لهم عجل! اومال انت عندك قد ايه! وربنا فتح - 00:11:44

وبارك لك في سروتك وفي مالك قد ايه. اوعوا تفتكروا يا جماعة ان الانبياء كانوا فقراء. ده هم ما كانوا مشغولين ومتفرغين للدعوة وربنا كان بارك لهم في اقل الرزق - 00:11:54

بيفتح عليهم. لما ربنا فتح خزائنه لسيدنا موسى وهو جعان ومطارد ربنا جوزه وادا له عقد عشر سنين في سورة القصص في في تالت صفحة في سورة القصص وربنا اغناه في يوم واحد. ونقله من اسود يوم لشهر العسل في حياته. واتجوزه وامنه. وادا له عين - 00:12:04

لما ربنا فتح خزائنه لسيدنا ايوب السما بعد ما ربنا شفاه مطرت عليه ذهب. كان عنده جرنين بيخزن فيهم الحبوب. الجرنين اتملى ذهب وفضة ربنا مطر عليه السما ذهب والاحاديس دي كلها صحيحة وسابطة عن النبي عليه الصلاة والسلام. لما ربنا فتح خزائنه لسيدنا سليمان اغناه لدرجة انه اتبرع في يوم واحد بعشرين - 00:12:22

الف فرس. عشرين عطلوا عن جلسة عبادة. جلسة ذكر واحدة. يا اللي غافل عن ذكر الله. عطلوه عن جلسة ذكر واحدة. ده زارهم للجهاد في سبيل الله لما ربنا فتح خزائنه للمسلمين لما شاله هم الدين والفتوحات الاسلامية بعد موت النبي عليه الصلاة والسلام. كان الخليفة يقف يكلم السحابة يقول لها ايتها - 00:12:43

سحابة امطري حيث شئت فان خراجك باذن الله سيصل اليك. مطري في الشام مطري في الصين مطري في باكستان كل الدول دي دول اسلامية وزكاة الزرار بتاعتها تجي لي. لحد هنا عندي في خزانة الخلافة. ربنا سبحانه وتعالى ربنا بيفتح على العاملين لدين - 00:13:03

اللي الايام اللي الواحد بيثيل فيها هم الدين بيلاقى اصلا امور الرزق ميسرة بطريقة غريبة. يعني الجمعة اللي فاتت دي سبحان الله يعني طالع من صلاة الفجر وجلسة الضحى وآآ يعني وسبحان الله لو كان اليوم ده يوم الجمعة بالزات بيبقى اكثر يوم مشغول في الدعوة. اكثر يوم فيه انشغال في الدعوة لخطبة الجمعة - 00:13:23

والدروس فسبحان الله العظيم فلقيت زوجتي بتقول لي احنا عندنا دروس للاولاد محتاجة فلوس. وعندنا مش عارف قسط يعني ادفعوا محتاج فلوس وعندنا فاتورة ايه؟ محتاجة ومين جاي الصبح محتاج فلوس فقعدت تقول لي سبع تمن حاجات كده - 00:13:43

يعني ايه قل لي مش عارف اعمل حاجة ومشغول جدا. وبتقول لي لازم النهاردة سبحان الله والست بتبقى هي اللي شايلة البيت. يعني فلما بيبقى المشاكل كلها ممكن الراجل مش بيبقى حاسس بها. انما الست بتبقى حاسة بجميع التفاصيل والمشاكل. اكثر من الراجل. مش عارف اعمل حاجة غير رفقات ايدي. وقعدت ادعي ربنا اللهم ارزقني - 00:13:57

اللهم ارزقنا. اللهم هي دي الحاجة اللي انا اقدر اعلمها في الموقف ده. والله العظيم ما نمت هذه الليلة. غير وربنا سبحانه وتعالى رزقني فوق ما كانت زوجتي كمان طالبة وفوق ما كنت محتاج كمان. سبحان الله العظيم هتقول لي ازاى! يا ابني ازاى دي كل واحد له ازاى - 00:14:17

وكل لحزة بتدعي ربنا ازاى بتاعة النهاردة غير ازاى بتاعة امبارح هو ربنا كده ما نفدت كلمات الله عشان ربنا يخليك تصدق في الاخر

ان ربنا لا تقف امام قدرته - [00:14:35](#)

اسباب ان ربنا قادر انه يفتح لك ابواب لم تكن تزن انها موجودة اصلا على الاطلاق ربنا قادر. ربنا اللي بيشتغل في الدعوة لما سيدنا محمد اشتغل في ربنا قال له انا اعطيناك الكوثر. الكائن غفر. غير ان هو نهر الفردوس الاعلى بتاع النبي عليه الصلاة والسلام -

[00:14:45](#)

آآ ابن عباس يقول الخير الكثير. ربنا فتح عليه في كل حاجة. لما النبي اشتغل في الدعوة ربنا قال له ما كان على النبي من حرج فيما فرض الله له سنة - [00:15:02](#)

الذين خلوا من قبل كل اللي شالوا الدين ربنا اداهم عطاءات خاصة. ما كان على النبي من حرج فيما فرض الله له. كانوا بيقلوا هو النبي اتجوز كتير ليه؟ هو النبي يعني كان - [00:15:12](#)

والنبي ربنا فتح عليه سنة الله في الذين خلوا من قبل مين الذين خلوا من قبل دول يا رب الذين يبلغون رسالات الله ويخشونه ولا لا يخشون احدا الا الله وكفى بالله حسيبا سنة ربنا في الدعاء اللي ما بيعملوش حساب حد غير ربنا وشغالين في الدعوة الى الله لا يتوقفوا انه بيفتح عليهم في - [00:15:22](#)

دنيا. سنة ربنا كده كنت بقرأ من شوية بيص في سورة طه بشوف ربنا ادى ايه لموسى في موقف واحد بس وهو بيكلم موسى. ربنا قال له ايه؟ ربنا سبحانه وتعالى قال له وانا اخترتك. ربنا سبحانه وتعالى قال له - [00:15:42](#)

آآ قد اجيى ربنا سبحانه وتعالى قال له قد اوتيت سؤلك يا موسى. ربنا سبحانه وتعالى قال له ولقد مننا عليك مرة اخرى. ربنا قال له القيت عليك محبة مني - [00:15:57](#)

ربنا قال له ونجيناك من الغم. ربنا قال له واصطنعتك لنفسى. ربنا قال له ولتصنع على عيني. ربنا قال له انني معكما اسمع وارى. ربنا قال له سم جئت على قدر يا موسى - [00:16:07](#)

ربنا قال له آآ يا موسى يا موسى ربنا بيناديه باسمه. عدت حوالي عشرين عطاء مزهل في موقف واحد. يا اخوانا ربنا لما بيدي. ربنا لما بيدي للي مشغولين بالله واللي مشغولين بدين الله واللي مشغولين بدعوة الله. ربنا بيدي ربنا بيفتح ربنا بيعطي. ما فيش حد ربنا - [00:16:17](#)

في الدنيا قد اللي شايل هم الدين. من جعل همه هو الله. كفاه الله هم كل شيء. عبدالرحمن بن عوف رضي الله عنه وارضاه. كان غني جدا هاجر وساب كل فلوسه عشان يهاجر للنبي عليه الصلاة والسلام. راح لسعد بن الربيع سعد بن ربيع كان ملطي مليونير كان اغنى واحد في المدينة. قال له اقسام فلوسي بيني وبينك. قال له لا لأ دلتني على - [00:16:37](#)

عبدالرحمن بن عوف لما نزل السوق كان له كلمة مزهلة. كنت دايمنا واحنا طلبة في الجامعة لما كنا نشغل في دعوة زمايلنا كنا نقول لهم الكلمة دي عشان نعرفهم ربنا بيدي ايه في الدنيا للي بيشتغل هم الدين؟ عبدالرحمن بن عوف كان يقول ظننت اني لو رفعت حجرا لوجدت تحته ذهب - [00:16:57](#)

من كتر ما ربنا فتح علي اتهايا لي ان في الاخر لو شلت حطة طوبة الاقيها تحتها حطة ذهب. من كتر تيسير الرزق من الله تيسير الله. للعاملين لدين الله. تعرفوا يا شباب سرية - [00:17:17](#)

ابي عبيدة ابن الجراح اللي هي سرية سيف البحر اللي هي سرية الخبط خبط ايه يا عم! ده سرية النبي عليه الصلاة والسلام بعثها في حدود سبعة هجرية. السارية دي كانت - [00:17:27](#)

في تهامة يعني على ساحل البحر الاحمر السرية دي النبي ما كانش معه غير جراب تمر وكانوا تلتमित واحد خارجين ورا امارة ابو عبيدة ابن الجراح. سموها سرية الخبط لانهم كانوا عايشين على ورق الشجر اللي هو - [00:17:37](#)

خبط. كانوا يقعدوا يخبطوا في الشجر عشان ورق الشجر ينزل. لان التمر خلاص كان كل واحد نصيبه تمراية في اليوم لما التمر بدأ يقل. يقعد يمصها ويشرب عليها لحد ما التمر خلص وما فيش ورق شجر حتى اكل ورق الشجر. في الاخر حصل ايه؟ القى البحر

الاحمر لهم حاجة - [00:17:50](#)

حوت يعني مش سمكة بوري كبيرة. حوت اسمه العنبر. حوت زي الحيطان اللي احنا بنشوفها بتطلع على الشواطىء وتموت على الشواطىء دي. حوت الصحابة فضلوا ياكلوا من وشهر كامل لدرجة انهم كانوا بيغرفوا بالجردل من الدهن بتاع عينيه. عشان يتقوا خدوا منه واكلوا النبي عليه الصلاة والسلام منه - [00:18:10](#)

يا جماعة ناس شغالة دين ربنا. ربنا ما يطلعهاش شوية سماء ربنا يطلع لهم حوت من الماية. الحوت ده انت هتقف في شريان الاورطى بتاعه تجيب مكتب تقعد تذاكر فربنا كريم. وربنا كريم مع العاملين لدين الله من اعزم اسباب فتح الله في الرزق هو حمل هم الدعوة. والشغل في الدعوة الى الله. الواحد - [00:18:30](#)

هو بيتكلم كل كلمة عن ربنا وكل كلمة في الدين بيحتسب على الله خير الدنيا والاخرة. لان ربنا سبحانه وتعالى يفتح على من سار في طريق الله سبحانه وتعالى لا تجعلوا دعاء الرسول بينكم كدعاء بعضكم بعضا. اللي بيشتغل للدين لما بيرفع ايده ويقول له يا رب دعوتهم ازاي اللي ما بيشتغلش للدين - [00:18:50](#)

حملة ربنا للي شغال في الدين لما بيسأل الله غير اللي مش شغال في الدين. فلزام ناخذ بالناس من الامر ده. آآ لما سافرت بنجلاديش كانت رحلة دعوية كده مع - [00:19:10](#)

التبليغ والدعوة وهم من الناس الطيبة اللي مشغولة بالدين والواحد اتعلم منهم الدعوة الى الله ولهم فضل علي في هذا جزاهم الله خيرا لما سافرت بنجلاديش هناك واحد من جنوب شرق اسيا آآ سمع ان فيه تنصير في افريقيا وان البروتستانت بالزات يعني وكاسوليك طبعاً - [00:19:20](#)

آآ هم كمان عاملين تنصير رأى في افريقيا فقال خلاص انا لازم اسافر. انا اعرف واحد من التبليغ والدواء في مصر باع المروحة والتلاجة في الصيف عشان يسافر يخرج في سبيل الله يعني في الدعوة الى الله. ولكن الراجل ده بتاع جنوب شرق اسيا باع بيته ما كانش يملك غير بيته. باع بيته عشان يمولى الدعوة الى - [00:19:38](#)

لان معروف ان يعني اخوة التبليغ ما بيخرجش على حساب حد. هو بيخرج على حساب نفسه بس. في الدعوة الى الله. باع بيته ومراته وصبرت واحتسبت وبنى لها زي عشة كده تعيش فيها. المهم وعشة كده للفراخ والدواجن عشان يعني ايه تبقى يعني حاجة في المساعدة على المعيشة. مسافر في الدعوة الى الله. زوجته صحت في نص - [00:19:58](#)

للمرة على صوت وقلبانة في في العشة. المهم قايمين وبيبصوا فيه ايه لقت آآ صقر في العشة. صقر فطبعاً له طريقة الامساك بالصقور دي غالية جدا يا جماعة. في مرسى مطروح في مصر فيه صقر اتباع بنص مليون جنيه. فيه صقور بتعدي المليون جنيه. سبحان الله! خدت الصقر باعته - [00:20:18](#)

ورجعت البيت تاني اشترت البيت بتاعهم تاني وفضل معها فلوس جوزها راجع من الدعوة الى الله لقي بيته زي ما هو ولدنا مزيد وربنا مزوده من فضله ومن رزقه كمان. ربنا كريم يا شباب. ربنا كريم. ربنا بيعامل العاملين لدين الله. بكرم لا والله العظيم والله - [00:20:38](#)

والله الذي يسمعني ويراني لقد رأينا في الدعوة الى الله ايات زي ما ربنا قال ولتكون اية للمؤمنين ايات في ارزاقنا. ايات في شفاءنا ايات في تيسير امورنا ايات في كفالة حياتنا ايات في كشف الكربات. ايات والله يا جماعة. ولما الواحد بيكسل في الدعوة سبحان الله! تلاقى المعاملة بتتغير - [00:20:59](#)

تلاقى المعاملة بتتغير يعني يعني ما انساخ ابداء رؤية غريبة شفيتها ليلتها بالليل يعني سبحان الله ابتليت اشد او تاني اشد ابتلاء في حياتي في المرض يعني. آآ شفت ان انا في مكان وفي حراسة رهيبية. يعني معي في المكان ده والمكان ده بتاعي. فحد عرض علي درسك دي درس - [00:21:19](#)

الدعوة ما رضتتش اديه. اول ما ما رضتتش ثلاث تربيع او نص الحراسة قامت قايمة ماشية. انا صحيت من الرؤية قلت بس انا يحصل لي مصيبة. ان الرؤية دي معناها ان في حراسة - [00:21:39](#)

ربانية للعاملين لدين الله وانا قصرت في الدعوة الفترة دي فهو ابتلى ابتلاء بسبب التقصير في الدعوة الى الله. ليلتها بالليل جا لي ما

لجنة جا لي ملاريا خبيسة. ليلتها بالليل طبعا خبيسة ده الاسم الطبي يعني. ليلتها بالليل اتعلمت ان الموقف ده حته درس - [00:21:49](#)

ان الدعوة الى الله سبب الحماية وسبب الحراسة. وسبب الحفز له معقبات من بين يديه ومن خلفه يحفظون. قالوا الذي له معاقبته النبي صلى الله عليه وسلم ربنا بيحفظ العاملين لدين الله ليل نهار وبيتعاقب عليه حراسة من الله سبحانه وتعالى - [00:22:07](#)

آآ يعني يعني بافتكر غزوة خيبر والصحابة هيموتوا من الجوع وهم داخلين يفتحوا الحصن والنبي عليه الصلاة والسلام بيدي الراية لعلي بن ابي طالب. النبي مش بيقول له لان يقتل الله بك - [00:22:25](#)

رجلا لأ بيقولوا لان يهدي الله بك رجلا واحدا. خير لك من حمر النعم. اوعى يا علي بن ابي طالب. يبقى همك اكل الناس. احنا همنا هداية الناس. عشان كده النبي - [00:22:35](#)

عليه الصلاة والسلام يقول في الاربعين النووية امرت ان اقاتل الناس حتى يشهدوا ان لا اله الا الله. واني رسول الله. العلماء في توجيه الحديد مش بيقولوا انا هفضل اموت الناس لحد ما يقولوا لا اله الا الله غضب عنهم - [00:22:45](#)

امر النبي بيقول لهم انتم عارفين انا بجاهد ليه ؟ انتم عارفين انا بضحي بحياتي ليه ؟ انتم عارفين المسلم بيضحي بروحه ليه ؟ عشان الناس تدخل في رحمة ربنا - [00:22:59](#)

حتى اي من اجل امرت ان اقاتل ليه ما استحمل الجهاد بصعوبته حتى يدخل الناس في رحمة الله. النبي بيقول علة الجهاد علة اجهاد النفس في طريق ربنا وفي الدعوة الى الله وفي نصره دين الله سبحانه وتعالى. فالنبي بيقول له لان يهدي الله بك رجلا واحدا. يعني - [00:23:09](#)

النبي بيقول له انت غنايم خير دي كلها اللي انت هتاخدها لو قتلت اليهود ما تجيش حاجة. في غنايم الدعوة الى الله لو ربنا هدى على ايديك واحد منهم لو اسلم على ايديك واحد من اليهود. شايفين الفكرة يا جماعة؟ خير لك من حمر النعم. كل ملتزم يلتزم على ايديك. وكل واحدة تلبس حجاب امهات المؤمنين - [00:23:29](#)

على ايديك او تلبس حجاب شرعي على ايديك خير لك من حمر النعم. الخير اللي هيجي في حياتك بسببها احسن من حمر النهب. مسابقة بقى مين اللي عايز الخيرية دي - [00:23:49](#)

مين اللي عايز خير ربنا يفيض عليه في دنيته قبل اخرته كمان يشغل في الدعوة عشان الناس تلتزم على ايديه. ما انشاش صاحبي وحببي يعني آآ شاب من الشباب اللي كان شغال مع عمرو دياب والتزم واشتغل بقى ببيع شرايط بعد ما كان بيكسب عشرين الف جنيه في الشهر زمان الكلام ده. بقى ببيع شرايط في ميدان رمسيس وسافر السعودية - [00:23:59](#)

ادور على رزق آآ وبعد كده خرج برضو مع التبليغ كده في الدعوة صاحب العمل كل عليه فلوسه وطرده وقال له خلاص انا بيني وبينك يوم القيامة ومش عايز منك حاجة في الدنيا - [00:24:19](#)

المهم بيقول لي انا خفت على زوجتي انها تفتن بسبب ضيق الرزق اللي انا دخلت فيه. قال لي بقيت اروح كل يوم عند الملتزم عند الكعبة. اعيط لربنا. واقول له يا رب افتح علي رزقي - [00:24:29](#)

لا يعطلني عن الدعوة اليك. لا يعطلني في ديني. بيقول فسبحان الله واحد اتصل بي قال له بقول لك انا عندي فندق آآ كان خلاص موسم الحج جه والناس كلها هناك بقى في - [00:24:39](#)

في مكة مستنيين بقى عرفات بيقول قال له انا عندي تلت تلاف وخمسية سرير فاضيين في فندق. فقال له يا عم خلاص ده الناس كلها بتحج دلوقتي انت في فندق - [00:24:49](#)

اسوق لك وعشان اخذ عمولة سمسرة. المهم قال خلاص انا ما قداميش حاجة تانية اعملها. فقام رايح لواحد قال له بص انا عندي فندق فيه ثلاث الاف وخمسميت مكان. لو عندك - [00:24:59](#)

حجاج لسه جايبين قال له حجاج مين يا عم الدنيا خلصت خلاص بيقول وهو نازل لقي الراجل بيجري وراه. بتجري وراه عايز مني ايه ؟ قال له الحكومة السعودية اصدرت ست الاف تأشيرة - [00:25:09](#)

حاجة كده نفحة ربانية لتركيا. وفيه ست الاف حاج تركي جايبين عايزين ست الاف مكان. قال له انا ما عنديش غير ثلاث تلاف

وخمسمية مكان بس. قال له هاتهم لي عايزهم - [00:25:22](#)

صاحبي ده بيقول لي اللي هو صاحب القصة. بيقول لي في خلال اتنين وسبعين ساعة كنت واخذ عمولة نص مليون ريال نص مليون

ريال قال لي كلمة ما انسهاش ابدا يا اخواني - [00:25:32](#)

قال لربنا في يوم اداني رزق سنة في يوم لانه صمم انه يقسم المبلغ مع اللي كان بييسع معاه في الموضوع ده. قال لربنا في يوم

اداني رزق سنة. ربنا قادر. ربنا قادر انه يكفل يؤتكم كفلين - [00:25:44](#)

من رحمته اللي هيكفل الدين ربنا هيكفله. واللي هيحمل هم الدين ربنا هيشيل عنه هموم الدنيا. آآ ده يعني باب مفتاح من مفاتيح

الرزق نفسي اكلمكم عن مفاتيح تانية في الرزق في هذه الحلقة. احنا دلوقتي في الحلقة الثالثة يا جماعة. اتكلمنا عن مفاتيح الرزق

الدعاء. اتكلمنا عن مفاتيح صفاء النفس وسوء و صفاء النية تجاه - [00:25:57](#)

وعدم الحسد والحقد على الناس اللي ربنا اداها فلوس ونعم. وانت كلمني عن مفتاح العبادة وتكلمني عن مفتاح الركعتين معجزة

الركعتين. واتكلمنا عن مفتاح النهاردة الدعوة الى الله. اتكلمنا عن آآ مفاتيح واتكلمنا طبعا في الاول عن مفتاح حسن الظن في الله.

لحد دلوقتي ست مفاتيح. لسه لسه - [00:26:17](#)

معنا مفاتيح كتير باذن الله سبحانه وتعالى نخلصها في الحلقات القادمة باذن الله يا شباب النبي طلب من ربنا الرزق انك انت

وانت متدين تقول يا رب انا اصلي واصوم عشان يا رب تفتح علي في الدنيا وفي الجنة. مش في الاخرة بس دنيا واخرة ده ما

فيهوش حاجة. النبي عليه الصلاة والسلام كان بيقول اللهم اني اسألك علما نافعا ورزقا طيبا - [00:26:37](#)

وكان بيستعيز بالله من الفقر. طلب الرزق ده طلب المتدين والعاصي والمؤمن والكافر والذاكر. والغافل ده طلب الجميع. اللهم انا نعوذ

من الهم والحزن ونعوذ بك من العجز والكسل ونعوذ بك من الجبن والبخل ونعوذ بك من غلبة الدين وقهر الرجال - [00:26:57](#)

اللهم انا نسألك علما نافعا ورزقا طيبا وعملا متقبلا. اللهم يا رزاق ارزقنا اللهم ادع عنا ديوننا. اللهم وسع ارزاقنا. اللهم بارك لنا في

ارزاقنا. اللهم انا نسألك العافية. وتمام العافية ودوام العافية. والشكر على العافية - [00:27:17](#)

اللهم انا نسألك الهدى والعافية. اللهم انا نسألك العافية في الدنيا والاخرة. ربنا اتنا في الدنيا حسنة وفي الاخرة حسنة وقنا عذاب النار.

اللهم يا مقلب القلوب ثبت قلوبنا على دينك. اللهم مصرف القلوب صرف قلوبنا على طاعتك. اللهم استعملنا - [00:27:37](#)

ولا تستبدل بنا. اللهم استعملنا ولا تستبدل بنا برحمتك يا ارحم الراحمين. سبحانك اللهم وبحمدك اشهد ان لا اله الا انت استغفرك و

واتوب اليك جزاكم الله خيرا اسماؤه الحسنی تجلت في الوری. فاهتف بها - [00:27:57](#)

واجعل لقلبك من ضررنا فتحننا والفتوح ميسرة فتحنا مبينا ليس فيه تعسرا انا فتحنا والفتوح ميسرة. ميسرة فاتحة مبينا ليس فيه

تعسرا اسماؤه حسنی تجلت في الوری - [00:28:20](#)